

# OMUKWETU

Registered at the General Post Office as a Newspaper

10c

Suomen Lähetysseuran Kirjasto

## ONGELEKA NAYI YAKULE NGEYI

### Buthelezi a ningwa omumbisofi

Aantu oyendji ya za koombinga dha S. Africa nopondje, oya li ya kala moshituthi shomundohotola Manas Buthelezi ngoka a langekwa muumbisofi eti 12 Desemba omumvo gwa zi ko, moshitopolwa shopokati mOngeleka yAakwaluther mu S. Afrika ndjoka yi li mewiliko lyomumbisofi omukuluntu Paulus Mhlungu.

Buthelezi opo a li a ningwa amushanga omukuluntu gwongeleka ndjika, ihe sho a ningwa omumbisofi iilonga yuhamushanga okwe yi thigile omusamane Itereleng Khutsoane (56). Konima yomasiku gaheyali Buthelezi sho a ningwa omumbisofi natango omusita Serote okwa ningwa omumbisofi moshitopolwa shokUumbangalantu peha lyomumbisofi Giesekke, ngoka ta lingashingeyi oshikwiila shevululuko, mongeleka tuu ndjika.

Pethimbo lyoshituthi Buthelezi okwa li a gandja efano lya yela kombinga yaashoka ongeleka tayi tegelelwa yi shi ninge. Meuvitho lye ndyoka e li pe oshipalanyolo kutya olyaathindilwakongudhi, okwa ti:

Oshinima oshikumithi okukwatha yalwe. Ngele oto kwatha aantu mboka inaaya simana nena pamukalo gwa tya ngaaka oto ya tumbaleke. Shika osho wo shi li naakwanilwa kutya uukwaniilwa wawo ou li mpoka sho pe na aalongeli, aantu. Niitya yimwe otatu ti eyakulo olya simana okuninga omuntu omukwaniilwa.

Ongeleka yonena otayi thiminikwa kethimbo tu li mulyo opo yi ninge omukalele, omulongeli gwaantu peha lyokulongela Kalunga kayo. Mpaka otatu yeleke neyakulo ndyoka Kristus e li ningile oohepele, aasindjala naandholongo osho wo omahepeko ngoka tage ya ningilwa.

Buthelezi okwa tsikile ko ta ti, kutya ongeleka moshilongo shika oya longela aahepekwa oshindji. Oye ya tungila oosikola, iipangelo sha za mwaashoka hayi uvitha, oshilonga shokukwatha oohepele.

Methimbo ndika tu li ongeleka otayi pulwa oshindji. Mokulonga oshilonga sheyakulo tanogotango oku na okugongelwa iipumbiwa, opo shi vulike okukwatha mboka ya hepa. Shoka tashi gandjwa iinima mbyoka ya dhi-ladhililwa okugandjelwa aantu yontumba. Okugandja sha omanga ngoye to kala wu li ngaashi wu li, kashi shi unene oshinima oshidhigu.

Eyakulo lyashili otali ti okugandja okatopulwa (okapambu) kasha taka zi mungoye. Niitya yimwe, otatu ti kutya ngele to yakula yalwe, nena ou na okukala wi ifethitha nokalo yaamboka to yakula. **tala kep. 5**



Oshinima inashi monenwa eyamukulo, unene miilongo yetu: nkene taku humithwa komeho aanona aanamagano naamboka yaashi aanamagano. Mpaka likondo yElongo otayi pulwa oshindji, palongelokumwe naavali. Mefano, okuza kolulyo, otamu monika aalongi ye li moonkundathana: Märta von Schantz (mOsikola yaShigambo), Paulus Tjilondelo naBeat Kawe, ayehe aalongi mOsekundosikola yaShakati.

## OMUMVO GWOMAMBO

Konyala opwa piti omimvo 100, embo lyotango sho lya holoka mOshindonga. Ewilikongundu lyomambo mu ELOK olya thaneke omumvo nguka gu kale omumvo gwomambo. Ontokolwa ndjika oya kolekwa wo kEpangelongeleka. Oshituthi tashi ka kala ko eti 9-10 lyaJuli nuumvo, otashi dhimbulukwa iikumitha ya longwa miigwana yetu sho ya mono wo ohenda okwiileshela oohapu dhehupitho melaka lyawo.

Ngele tatu popi omambo, nena otatu penduthilwa iinima oyindji: AANYOLI mboka ya longo nuudhiginini opo tu mone omambo gokulesha, OKULESHA ko kwene.

Manga inaandi popya oshindji kiinima mbyoka nda ti otayi penduthwa mutse uuna tatu popi omambo, otandi endulula gamwe gomomatumbulo ga popilwe komusamane Toivo E. Tirronen, mehokololo ndyoka a li a etele Oshigongingeleka mEngela, omumvo gwa zi ko, shi na sha nomambo. Okwa tile ngeyi:

“Okuholoka kwembo lyotango melaka lyontumba okwo oshikumitha, shoka tse aananena itaatu vulu oku shi tunda nawa. Konima nge tatu tala kiilonga mbyoka yotango, otashi vulika kutya otatu yi tyoonona omoluunkundi tatu u dhimbulula muyo. Ihe oshikokola kehe osho shi li ngaaka: oshu udha iithindi.”

### AANYOLI YOMAMBO

MOshindonga embo lyotango olya “ABD Moshindonga” kuPietari Kurvinen nolya pu okunyanyangidhwa eti 19 lyaJanuali 1877, muHelsinki. Okuza sigo 1933, omambo oga kala haga nyanyangidhwa pondje yOwambo. MOshikwanyama omambo oga holokele poomvula 1891-1893. Evaangeli lyotango mOshindonga olya holokele 1891 (Mateus) nomOshikwanyama 1894 (Lukas).

Okuza mpoka ooKivinen, Erkki Letho (Amutse), Kzarina Herna, Hilma Kupila naSuama Hirvonen, oya kala nokunyola omambo. Sigo twe ya nduno kooTirronen nooNamuhuja, noyendji itaatu vulu oku ya mana ko.

### OKULESHA

Aanyoli twa tumbula elalakano ya kala ye li na noye li na, olya okuhumitha komeho os’iigwana: shi leshe sho shi ze mo muuposi. Omupopi ngoka a tile kutya okulesha okwa fa okwiitalela moshisipili, koohapu dhe oku shi okutungilwa.

Omuntu ngele ta leshe oti iyuvu ko mwene nooyakwawo. Ngoka i itseye a dhimbulula kutya ye oye nokwiitaamba ngaashi e li, okupita kwe nawa nuunyengwi we, miinima yontumba noyongandi; oye olwindji ta adha oshilalakanenwa kombanda yevi “achieve success”.

Omuntu ihaa leshe okwa fa ngoka a kuthwa ekwatathano nayakwawo. Okwa fa a kotha oomvula dhomathele gontumba, manga yakwawo taya yi nonkalamwenyo, mokwiilonga iinima iipe. Ngele to yi moonkundathana naye oto eta ohenda: oku li kokule.

Kombinga onkwawo ngele tatu popi okulesha, nena natu dhimbulukwe wo kutya omuntu ngoka ha leshe iinyolwa oyindji yo iwinayi, ke vule mboka ihaaya leshe.

“OMUKWETU” ota tala kutya okudhana oshituthi shika, mokuhambelela Kalunga sho e tu pele nokwe tu pa mboka taye tu kongele iinyolwa opo tu leshe; ehambelero ndika nali ni ngwe ano nokuya miilonga: OKULESHA! OKULESHA!

Omunelago omuntu ngoka, kwi ilikolele uunongo nomulumentu hi ikongele owino, Omayel.3:13.

## OMAKUNDO

*Kundweni nye amushe hamu longo mOngeleka yOmwene. Longeni melididimiko. Okuyakula nokwiindila Kalunga ketu e tu pe eenghono defiku keshe. Tangeni Jehova noku mu tilla.*

*Ohandi kundile po ovapangi mOnandjokwe, hai kundile po dr. Leonard Auala, tate Kleopas Dumeni, tate Matias Ngipandulua, tate Festus Ashipala novanyasha aveshe moilonga yomomudingonoko.*

*Odula ipe nai mu wapalele ye Tate womeulu e mu pe eenghono moilonga yeni efiku keshe.*

*Amushe hamu longo mOshinyanyangido, ohandi mu pandula mokulonga kweni, eshi twa longeni odula aishe neudafano, nande nda kala noku mu piyaneka molwoshifo shange sha kala ihashi fiki nawa. Ohandi indile ombili kunye amushe.*

Meshita E. H. Djikolo

# EHUPITHO KALI LI MIILONGA TAYI ENDE NAWA,

Luk. 10:17-20

*"Ihe inamu nyanyukilwa oompwidhuli sho tadhilika kune; nyanyukilweni, omadhina geni sho ga nyolelwa membo lyomegulu."*

Aalongwa mbaka oya li ya panda noonkondo sho ya vulu okupita nawa miilonga yawo. Aantu ya longo mokati kawo oya li yu uvitathane nayo. Ayihe oya vulika kuyo. Oya li ya simana mokati kaantu mboka. Ngii-ka aantu ya li ya longo mokati kawo oya li ya hala ye ya futile, ngaashi hashi uvika ngashingeyi koombinga noombinga, opo yaa ze po puyo.

Ethimbo tu li mulyo omuntu mokukonga iilonga oha tala tango iilonga nenge eithano ndyoka e lwete tali mu opalele. Momavi ga putuka omu na nokuli aakwathi yaamboka taya kutwa miilonga nenge aanona mboka, opo taya ilongekidhile onkalamwenyo, ano oo "Social Workers". Shika ohashi ningwa opo omuntu kehe a longe iilonga ye u uvite elago.

Omuntu ngele oku li miilonga itaa piti nawa, nena oha kala u uvite uudhigu. Ota adhika nokuli komalimbililo kutya pamwe aantu inaye mu hala. Iilonga ye oku uvite kutya iidhigu yi vule yaayehe. Uudhigu mbuka pamwe ohau fala nokuli sigo omepiyagano.

Onkundana ndjoka ye etelelwa kaalongwa kaya li oshikumitha momakutsi gaJesus. Shoka sha simana kuYe ongele omadhina gawo ga nyolelwa membo lyomegulu.

Uumbanda nolukeno lwaJesus olwe etwa unene kwaashoka tashi ka kala ko esiku lya-hugunina, tashi ka ningilwa aakeenakona-shanakalunga. Jesus mwene ota ti, kutya kushoka sha ningilwa Sodom kuliwa. Otaku ka kala uupyakadhi wa kutha momakunde, mesiku lyepangulo.

Satana naayengeli taya popiwa moteksti ndjika oyo iishitwa yaKalunga. Okusindika kawo kuJesus okwa fa okugwa kegulu taya gwile pevi. Okukalamwenyo kwaJesus akuhe, okuza kevalo sigo okefumviko okwo okusinda satana.

Omuntu oye mwene ta tokola kutya ota landula Kristus gwe nenge osatana, omuyonipo gwomwenyo gwe. Satana okwa hala a ete ohoni neshunduko momuntu. Omuntu ngele oku li muJesus, nena okwa gamenwa.

Ngele otatu pulakene nkene aalongwa taya lombwele Omwene gwawo sho ya piti nawa miilonga, nziyanziya omadhiladhilo getu otaga hililwa kepulo ekwawo ndyoka ya pula Jesus taya ti:

*"Omolvashike twa nyengwa oku yi tidha mo, Mat. 17:19." Eyamukulo lyaJesus ondyoka sho aalongwa ye na eitaalo enkundi.*

Mokukalamwenyo kwaantu eipulo ndika oli li mo olindji, kutya ombili otayi adhika ngiini muuyuni muka. Yamwe oye wete ya mona nokuli eyamukulo. Otaya tala kutya otaye shi tsakanitha ngele otaya dhiladhila muule, okutota po iinima iipe "inventing", nomokuninga po omapangelo ga kola.

Omupopyo gwa simana otagu ti kutya: "Gandja kaantu ompito yokwiilonga opo yi ihupithe yo yene."

Mokutota po oompangela odhindji uunongononi, omuntu gwopethimbo ndika okwa tala kutya ombili muuyuni, elalakano lyonkalamwenyo nena ote li adha nuupu. Omuntu okwa pilamena Kalunga. Olaboratorium oyo ya ningi omuyuukipalithi gwiinima ye, yo oyo wo omuprofeti gwe.

Kombinga onkwawo itashi vulika tu ekelehi uunongononi. Opena tayi shanga ngashingeyi oya etwa po kuunongononi. Ando kaye shi aanongononi ando omakende ngoka to lesa nago ando kuga na, oye tu kutha muuposi wonale.

Uunyengwi womuntu owa za moondjo. Elongo li li muye natango inali kutha mo uutondwe, ondumbo nokwiihola. Sigo onena otatu pula kutya: "Omolvashike twa nyenwaga oku yi tidha mo?"

Pethimbo lyepapudhuko lyuuyuni "Reformation" aantu oya li yi itaala kutya omuntu ke na nando oonkondo okukutha mo uuwinyayi muuyuni mbuka. Shoka tashi vulika komuntu okwiitula owala megalikano.

Shika oshi li mondjila kutya omuntu okwa pumbwa noonkondo egalikano, ota mono mo ekwatho neyambidhidho lyaKalunga mushokate shi ningi. Kombinga onkwawo osho eshekokalunga uuna omuntu a lala owala ye ta galikana, ina hala okulonga nomadhiladhilo ge noonkondo ngaashi e dhi pewa.

Moses sho ya li yu uka kevi lyeuvaneko, Kalunga okwe ya uvanekele ta ti kutya ite ke ya longela shoka taya vulu okuninga yoyene. "Omuwa nokwa pula Moses ta ti:" "Oto ithathanene ndje shike epopilo? Lombwela Aayisraeli naya hume ko, 2Mos.14:15." Hesekeel okwa lombwelwa wo ngeyi: "Omuna gwomuntu, thikama komagulu goye ndi ku popithe, Hesk.2:1-11."

Kape na nando esiku limwe Kalunga taka tuma oshinima shi ye shi hanagule po iinima yuukolokoshi twe yi ninga tse yene nomadhiladhilo noondunge dhetu.

Omuntu oku na okugalikana Kalunga a mana mo, opo e ete ombili kombanda yeve. Ihe oku na okulonga a mana mo, opo uukolokoshi e wu eta ye mwene e u kuthe po.

Okutegelela Kalunga oye a longe, manga tse twa mwena, kashi shi eitaalo ihe ondhinokalunga.

A. W. Amutenja

## OMWENE OHA KALA PENI MOMAUDJUU?

Ovamwatate amushe meni nopondie yaNamibia ohandi mu halele omayambeko Omwene momudo Mupe 1977. Oshipalanyolo shodula ei osha hala tu kale ofika kondjovo oyo: "Eendjovo dOmwene nadi kale di yadi munye."

Johannes ota ulike kutya pehovelu opa li Ondjovo nOndjovo oya li puKalunga naKalunga mwene oye ondjovo oyo. Ondjovo nai kale i yadi munye. Moku i lya, moku i fudila mo, moku i indila nomo ku kala payo; osho oku-kala muyo, mufye

Luhapu twa mona ounghundi wetu moku i lesha, moku i fudila mo nomo ku i indila, ngaashi twa li tu na oku shi ninga. Ohatu didilike yo eninipalo layo okukala mufye. Mokati konghumwe Ondjovo ihe li mufye, Omuyapostoli Paulus ota ti kutya nando ongaho "Omuye tu li nohatu linyengaanyenga notwa kala mo," lil.17:22.

Paulus ota ulukile Ovaatena oonakapulekonawa noonakaudekonawa, ovanotelwakaude koinima ipe, kutya ondjila yeshiivo oi li mONDJOVO. Shipe she va holekwa osho Ondjovo. Nondjovo oyo Kalunga. OO Luther te mu popi ta ti:

"Oye Omhepo ya yadifa eulu nedu. Iha monika nomesho aa haa tale omboloto no iha hangwa keendunge dopaunongononi. Shapu ota hangwa keendunge nokeitavelo lopakanona, olo tali mono etango la laula ndele tali ti kutya eisho laKalunga la fifikina ile odula yeemhawe noyoshitwimelunda, Kalunga ta kwena."

Naku mu konga neendunge shapu ota ka shakeneka ashike omapulopundukifo, kutya Kalunga oye olyelye nokwa kala peni. Amwe ta fikama molupe loukwakalungalela.

Kalunga Omunene Omuyapuki, Omhepo ya yadifa eulu nedu, oku li peni nokwa li peni eshi omona waye Jesus ta dalelwa moshiunda shoimuna mofina, mondwi nomoushoshu? O-peni a li eshi Adam naEva va li mOparadisa, ndele fiyo o'ava di mo? Abraham omunhu waKalunga ncmuhoololwa mokukala momaye-ko, e dule 12, Omwene okwa li peni?

Mokuvandamena melambo omo ovamwaxe vaJosef va li ve mu ekela tava ti: "Omutwi weedjodi ne uye tu mu dipae." Epulo otali fikama kutya Omwene Omuxupifi okwa li peni, fiyo Josef ota kala mooPotifar, momaye-ko, omo ahowe yaye ya ningwa heeno fiyo omodolongo?

Omukali apeshe, omeva omo mwa li mwa ekelwa Moses, okwa li peni? Ile mehistoloshiwana shaKalunga mombuwa omo va wili-kwa momudile nomomundilo, okwa li peni, fiyo Moses ota ka denga emanya ponhele yokupopya naMirjam a ka vela oudu udjuu?

Eshi oshiwana shali momaupika e lili na ku lili pomafimbo ao, Omwene okwa li peni? Ondjovo oya li peni, eshi oshiwana shali sha teeleda Messias nodjuulufi ndele moku mu pe-wa tave mu efa fiyo ta ende kokandoongi, notava mweneke ovaingidi vaHossiana?

Mekondjo laJesus Omona muGetsemane, fiyo omokufya ta keme "Kalunga kange, oshike wa ekeleshi nge? "Okwa li peni? Mefikamo lomapululo a tya ngaha fye ohatu taalele peni? Omwene wetu Jesus Kristus Omona waKalunga ongomunhu okwe a nyamukula ngaha.



**Omwiilongi gwetu kOsoomi Aune P. Shilongo, ngoka e tu tumine euvitho.**

Mokutala ovapanguli vaye novavaleli vaye komushiyakano, okwa mona kutya mokutilashi ohonde otava kondjifa Kalunga, ndele moku-valela komushiyakano nokulongekida exupifo lounyuni, aushe otava kondjo naKalunga, (against God with God). Mokumona Kalunga muaishe, Omona waKalunga ongomunhu ota ulike Ondjovo: "Omwene va dimina po, oshe-shi kave shishi eshi tava ningi."

Ota ningile ounyuni Exupifo kutya "Shalongwa sha pwa."

Likoleleni mOndjovo nomoshikungulu sha twi-ma. Ekulilo ola longwa la pwa. MOmwene o-tu na omwenyo nowaalushe yo.

**A. P. Shilongo**

**Inapa kala nande umwe ta dini ounyasha wo-ye. Ndele kala omuhopaelelwa wovaitaveli meendjovo nomokweenda, mohole, momhepo, meitavelo nomoukoshoki. Fiyo ohandi uya, diinina oku va leshela noku va kumaida noku va longa, 1Tim.4:12-13.**

# EYAKULO LYONGELEKA

dha za kep. 1

Inashi gwanena ongeleka okukwatha oohepele naahepekwa. Oshilonga shika osho sha li sha longwa kuKalunga mOmwana sho i ini- ngi omuntu, opo e tu hupithe.

Kalunga okwi itula naanaa monkalamwenyo yetu, opo tse tu mone okukalamwenyo kwe. Monkalo ya tya ngeyi okwa popilwa muuwinayi, a shundulwa a kwatwa, a dhengwa no- kwa dhipagwa nokuli.

## Ekwatho kaahepekwa

Ongeleka ngele oya hala okuningila ahepe- kwa ekwatho lyashili, nena oyi na okwiilong- kidhila omapopilwo muuwinayi, eshundulwo, eedhililo lyaakalelipo yayo moondholongo, okudhengwa nenge okudhipagwa nokuli.

Uuna ongeleka tayi kala menyanyu nomuu- toye pwaa na omahepeko gasha omanga ii- lyo yayo tayi mono iihuna, nena ope na epu- ko lyasha. Shika otashi ti kutya ongeleka o- ya kanitha ondhilo yayo. Oshili oyi li mpoka uuna ongeleka yi ifethitha noohepele naahe- pekwa mekonjjo lyawo ye li mo.

Omumbisofi Manas Buthelezi mokuulika kii- kolokosha mbyoka ya ningwa moSoweto okwa ti, kutya ongeleka ngele otayi si oluhodhi pamwe nAasoweto, nena otayi ka mona uu- dhigu tau yi zilile kepangelo.

Shika otashi dhimbululwa mwaashoka sha ni- ngwa omsiku ngaka muDiakonia, muJoha- nnesburg-Ehala enene lyOmbelewa onene yOongeleka dhomuAfrika lyolukadhi, Felcsa na Elcsa, moka mwa kala wo oshinyanyangidho sha Zenith nombelelwa yiinyolwa yehumitho- komeho. Aapolosi ya S. Afrika ye thike 40 oya li ya hadha nayi egumbo ndika, okuza ongula sigo komatango. oololi mbali dhu u- dha odha yi noondokumende dha simana. Aawiliki naanamblelwa oya kwatwa, yamwe ayeke ya mangululwa - Ecunews.

Buthelezi okwa hulitha ta ti: "Ngame ota- ndi hogolola okuhepekwa pamwe noshigwa- na shandje, shi vule okulela ndaa shi na." Etumbulo ndika oloyo tandi kala nda landula mokukalamwenyo kwandje akuhe.

(The Voice)

**OTEKISTI YESIKU ETIYALI LYEYU-  
MUKO (11.3.77), Mat.28:9-15**



Omusitagongalo R. Brückner omuwiliki gwo- shilonga sheputudho lyopakriste (Cristian Academy), molukadhi lwaAfrika. Okwa shu- nithwa kepangelo lya S. Afrika, kuNdowishi- landa, okuza pepadho ndyoka lya li lya ni- ngwa mombelewa onene yOongeleka dhaA- frika lyokOlukadhi muDiakonia House, kaa- polosi ya S. Afrika. Oshilonga she osha thi- gwa manga metonatelo lyomunashipundi gwa VELKSWA, omusita Habelgaarn.

Uuyuni ngele otai mu tondo, dhimbulukweni kutya origame wa tondo tango, Joh.15:18.

## ONGELEKA ITAI VALULA OILONGA YAYO

Ongeleka fiyo onena otai longo oilonga yayo ngaashi naanaa shito. Otai yakula ovanhu pa- mwenyo nopalutu. Otai hanganifa ovanhu va kale mohole nomombili. Otai kondjifa okato- ngotongo, ka dudwe mo noya hala ovanhu aveshe va kale ovamwainafana muJesus.

Ongeleka otai kumaida nokupukulula aveshe ovo tava di mondjila yexupifo va alukile ko- mukulili wavo. Otai udifa evaangeli lexupifo. Ongeleka oi na omukumo nelineekelo kutya, Omwene ota wilike mOngeleka yaye.

Ongeleka oi na oumbada okuuhala tai ingi- da nokuvalula kominwe kutya otwa longa pe- nya naapenya, ndelenee Omwene oye ta va- lula ashishe tashi longwa kuyo.

Ongeleka nEpangelo, oya pewa oilonga idjuu komapepe nokwa teelwa ve i fikife koshipa- la shaKalunga, Omupanguli, Eps.126:2-6. Oi- longa aishe otai ka hangika koshipala shO- mupanguli munene, pehee na elipopilo. Oilon- ga ei oyo tai ka twala melao ile momupya, Mat. 25:31-46.

Kape na mhumbwe yokulimbililwafana, Onge- leka nEpangelo, osheshi aveshe ovapiya vo- mwene keshe umwe ota ka pulwa nhumbi a yakula.

Abraham Haileka

## LOKKA OKWA TALELE PO SENEGAL

Omutumwa omukulu mongeleka yetu (ELOK), meme Elli Lokka, okwa li a talele po epya lyetumo lyaSenegal pethimbo lyOkrisimesa. Meme Lokka okwa kala omulongi mOseminali ndjoka ya li kOkahao. Ethimbo limwe okwa longo aanona yaatumwa Aasoomi kOshiwakopo.

Nonando okwa shuna ngashingeyi kOsoomi, ohokwe yoshilongatumo muye inayi kana mo. Ohokwe ndjoka oye mu thiminike, opo a ka talele po hwiya kuAfrika. Mehokololo ndyoka e tu tumine okwa ti:

Nena eti 2 lyaJanuali 1977, onda galuka nda zi kuSenegal moka nda dhanene Okrisimesa. Ondu uvite enyanyu enene okulyata evi lyaAfrika nokumona aakwetu ngaashi tate Paulus nameme Fiina nokaana kawo Rakel.

Ongula yOkrisimesa tate Stig-Olof Fernström, omukuluntutumwa, okwa uvitha mOshifranisa natate Heita okwa tolokele ndje mOshindonga. Tate Paulus okwa huma nawa melaka lyOshifranisa.

MuDakar otwa mono wo Aanamibia yalwe. Meme Fiina okwe tu pakele po oshimbombo shomahangu nontaku. likulya iitoye, ee!

Otwa yile wo komukunda gwontumba hoka kwa li oshigongi. Ngame onda tameke okwiimba mOshindonga: "Kalung'ohole a kulila ndje." Mbalambala aantu oya tameke okukonga moombapila dhawo eimbilo tuu ndyoka na otwe li imbi mOshiserere.

Aatumwa yokuSenegal otaya pumbwa omagalikaneno getu, oshoka evi enene naantu oomiliyona odhindji inaya tsey natango Omukulili gwawo.

Kalunga na hambelewe sho a longekidhile ndje ompito yokuya kuAfrika nando onda kala ko oshiwike shimwe ashike. Kalunga mwe-ne omunankondo na gamene oomwenyo dhene nomalutu geni muJesus Kristus.

Tamu kundilwa po nohole nondjuulukwe ku  
*Elli Lokka*

## SHOKA TASHI KA KALA MIIFO TAYI LANDULA

OMUKWETU okwa pula Omuwambo gwotango, a pita onkatu yotango mlilonga yOnkalathano "Social Work", Maria Uukunde B.A (SW), a fatulule kutya shoka i ilonga oshike. Oshilonga shika osha pumbiwa noonkondo moshigwana. Ondi inekela mboka wo ye na ohokwe oku ka tsikila komeho mokwiilonga, otaya ka mona uyelele wa gwana.

Sho nuumvo omumvo nguka gwa tokolwa kOkangundulongekidho komambo mu ELOK gu ninge Omumvo gwomambo, "OMUKWETU" okwa pula yamwe yomaaleshi ye, opo ya nyole sha kuuwanawa mboka tau zile omuntu mokulesha. linyolwa mbika otayi ka kala hayi holoka ethimbo nethimbo, mOmukwetu.

## Aatumwa taya shuna kuAngola

Aatumwa yane Aasoomi mboka ya li haya longo metumo muAngola noya li ya shuna kegumbo omolwiita iidhigu tayi hepeke oshilongo shika, oya thikama omasiku ngaka okuka tsikila oshilongatumo.

Aatumwa mbaka oya hiywa kOongeleka dho-muAngola. Epangelo lya MPLA olya gandja wo ezimino.

Omumbisofi Emilio de Carvalho gOngeleka yaMetodi, muLuanda shAngola, okwa popile wo omasiku ga zi ko muLondon tati, kutya epangelo ndyoka li li koshipundi (MPLA) kali shi nando ekomonisi. Ngashingeyi aniwa oye na emanguluko lyelongelokalunga shi vule sho ya li mepangelo lyaKaputu.

Aatumwa Aaswitzerland mboka ye li muCaluquembe shaAngola nayo oya holola olupandu molwemanguluko ndyoka ye na ngashingeyi, okulonga oshilongatumo.

"Ekondjo enene ndyoka tu na ngashingeyi moshilongo, otwa hala okwiidhimbulula kutya nani natse wo aantu tu na oshilonga, tu thike paantu ooyakwetu yalwe muuyuni," osho omumbisofi Carvalho a tile.



Gumwe gwomaatumwa ya ELOK muAngola, omusita Immanuel Kamho

# Einyengo olya shike lya holokele mo Swapo?

**Onkundana ya kala tayi popiwa mooradio niifo, aniwa ekuyunguto li li mo Swapo, oshinima tashi limbilike. Ewilikongundu ndika olya li lya hogolola okangundukonakoni, mewiliko lyaJonny ja Otto, pamwe niilyo omugoyi, opo ka konakone okwaanombili ku li miilyo. Ombilive ya gandjwa meholamo koshifo shOshingilisa "Windhoek Advertiser", mOvenduka, otayi gandja uyelele, kombinga yoshiningwani ma shika, mehokololo ndika.**

Okomisi yokukonakona iipotha mehanganano lya Swapo, yi li mewiliko lyomusamane Johnny ya Otto, oya li ya ningi ekonakono lyaashoka sha etele okwaanombili nosha tukuluthilthe iipotha mehanganano ndika. Omatompelo ogendji oga monika nopwa ningwa nokuli omathaneko gamwe.

Okomisi oya mono kutya einyengo olya etwa koolupanda (dhaatondi) dhomeholamo, ekondjelo lyoonkondo, okwaanowino kwaawiliki mepangelo, okwaanoonkondo, osho wo aapukithi.

Aniwa Aaputu sho ya zi mu Angola naMosambi-ke, omusamane Vorster okwa dhimbulula kutya S. Afrika ngashingeyi ina gamenwa we komamatukilo gaakondjelimanguloko. Okuza mpoka okwa tameke omukalo gwoonkundathana niilongo iikwawo "okukutha oongundu dhaakondjelimanguloko oonkondo" osho okomisi ya dhimbulula.

Okwa toto po oTurnhalle, opo aniwa a kuthe Swapo gwomeni nogwopondje yoshilongo esimano. Aakwanilwa yomavigumbo okwa tameke oku ya ulukila uuyuni, kutya oyo aakalelipo yolela yaNamibia.

Opulanda onkawo oyo ndjoka sho aatondi ya tula metanga lyaakwiita aakondjelimanguluko ya Swapo (PLAN) aakalelipo yawo, opo ye ete mo evundakano, lya ehanganano li yonuke po.

## OONKAMBADHALA DHA S. AFRIKA

Okomisi oya dhimbulula natango kutya S. Afrika palongelokumwe naNdowishilanda lyokUuninginino, oya toto po opulanda opo ya halakanithe po Swapo gwopondje nogwomeni lyoshilongo. Oohapu dhiifundja tadhii hokolola kutya mo Swapo elongelokumwe olya kana mo, odha kala nokupopwa opo ya adhe oshilalakanenwa shawo.

Yamwe yomaawiliki ya Swapo, ngaashi omusamane Andreas Shipanga, oya dheulwa kaatondi opo ya ete evundakano mehanganano. Shipanga okwa kala ha longitha iimaliwa ngaashi a hala. Okwa kala ta lombwela yakwawo opo aniwa ya ninge ekwatathano naNdowishilanda lyUuninginino, okomisi ya ti.

Aantu mboka ya galukile koshilongo Shipanga okwa kala e li mekwatathano nayo. Aagaluki mbaka oya hala aniwa okuteya po o Swapo.

Okomisi oya mono wo kutya aasamane: Salomo Mufima naSakaria Shikomba oyo ya li noompangela dhimwe naShipanga. Oonakulombwela okomisi ndjika oya ti wo, kutya James Edycott, Omwiingilisa (ngoka a mana oondjenda omasiku ngaka) okwa kala ha gandja iimaliwa kooShipanga, mbyoka a pewa komahanganano omakondjithi ga Swapo.

Omidhi dha kola okweeta evundakano, Shipanga okwe dhi mono mokulongitha aagundjuka opo ya popye okwaanuyuki aniwa ku li mehanganano. Ekwatathano lye naagundjuka olye eta uutondwe unene pokati kewilikongundu lya Swapo nOngundu yaAakwiita Aakondjelimanguluko yaNamibia (PLAN).

Omupolisi gwa S. Afrika, Karistus Shafooli ngoka u uvikile mu FM omimvo dha zi ko, naye okwa holoka

mekonakono ndika. Aniwa esiku limwe Shafooli okwa li a humbata ombapila palombwelo lyaShipanga, e yi ukitha kaawiliki yaakwiita tayi ya tsu omaminini opo ya ninge oshipotha.

## Uunkundi waShipanga

Ekwatathano pokati kaShipanga nOshitayi shAagundjuka ya Swapo osha li ngeyi kutya aagundjuka oya tseye wo omapuko gaShipanga. Oya li owala ya hala ye mu longithe sigo ya adha omalalakano gawo opo konima ye mu ekelehi.

Okomisi oya dhimbulula kutya iiningwanima ayihe mbika oya zi mekondjelo lyokukonga oshipundi sha simana mewiliko lya Swapo.

Opwa ziminwa wo kutya opwa li shili omapuko mehanganano ndika nonando ope na eyooloko miikandjo niikandjo nomoombelewa noombelewa.

Shotango ooshoka kutya Opaati oya kala ethimbo ele nokuninga iitondokela, ihe kape na nando ekotampango moshinima shoka. Shika osha eta po evundakano neshonopalo neteko lyomukumo miilyo.

Opwa kala wo aniwa evundakano miilonga, omolwii- longa inaayi topolwa nawa. Shika osha ningi kutya aanambelewa yamwe oyi ivongo miilonga yaashi yawo, osho okomisi ya dhimbulula.

## Omukumo gwa teka

Ohole yokwiihumitha komeho nokuhumitha ko ehanganano oya kana maawiliki, osho wo (egandjo) etopolu lyiimpwiyu olya kala lya tsima. Kapwa li ekotampango nondjila ndjoka tayi landulwa mokweeta elandulathano meihumbato lyaanangundu osho wo uudhiginini.

Uusama umwe owa li mpoka sho aawiliki ya li inaa-ya yoolola omanyenyeto goshili naangoka tage ya ndungike osho wo gaamboka itaaya popi molwaasho yu uvite kutya elandulathano olya pumbiwa shili.

Omukalo ngoka gwokuwilika lela mboka aniwa aayeti yuwinayi nenge oku ya geela; okomisi oya dhimbulula kutya oshinima shika otashi ka eta kutya omanyenyeto naangoka ge li mondjila kaaga konekwe, sho shi ete okwaanombili.

Okomisi oya dhimbulula wo kutya oyendji yomaanapolitika naakwiita oya kala owala nokulongithwa mepuko kaanandumbo, opo ya adhe omalalakano gawo.

Okomisi oya lombwelwa wo koonza dhi shi okwii- nekelwa, kutya aantu yamwe oyi itaalithwa nkene aniwa elunduluko lya pumbiwa mbala mEhanganano ndika, mboka inaya pulakena olombwelo lyaanashipotha oya talika aagoya. Aanashipotha oya longitha mboka yaa na ontseyo ya gwana muupolotika.

Okomisi oya hulitha tayi ti kutya opwa li shili omalongekidho ga kutha miiti okuhalakanitha po o Swapo. Aakolokoshi mbaka oye shi ningi mokuulika omapuko, opo ya adhe omalalakano gawo.

Aatondi oya li ya panda, oshoka oshipotha osha li sha longekidhwa nawa kaanandunge nosha pinithwa mo ku S. Afrika naNdowishilanda lyUuninginino mokulongitha mboka ya hala elunduluko aakongi yuwanawa wawo yene, oonakwaagwanenwa kwaashoka ya na.

Okomisi oya ningi ethaneko lyelandulathano, opo ku yandwe iiningwanima yoludhi nduka komeho.

Omathaneko gamwe ya ningi oongoka kutya eyooloko pokati kAaswapo aapolitika nAaswapo aakwiita li ze po; osho wo ekotadhiladhilo ndyoka kutya oshitayi shaakwiita osho ashike tashi vulu okweeta emanguluko lyolela, li hulithwe po. Elongo lyuupolotika osho wo ehumithokomeho lyuukwiita nali pendulwe po palandulathano lya kutha monkama.

tala kep. 8

## Omunona a valwa nomalwaa- la gaali


Omunona omumati a valwa eti 11.9.1976, oku na olwaaala lwoshilumbulela osho wo olwaaala lwomuluudhelela. Aakuluntu yomunona otate nameme Sakaria Kanzi, yomegongalo lyOmuntele.

Okuza poluwewe lwomutse gwomunona sha kwatela mo oshipala sigo omilungu, oshilumbu. Shaa e ku taalele oku na epolo lya fa lyonkambe, lya yela enenenene. Okuza mela sigo iikesho oshilumbu; omake noompadhi odhomuluudhe.


Ombunda ye ayihe sigo ekothi omuluudhe. Olupe nduka luulumbu olwiilumbu mbiya inaayi pya omutenya, olwaanawa. Olwaa- la ndoka lwuuluudhe oluthokothoko uuluudhe wondaadhile, talu konita nawa.

Omunona nguka nando omushona shaa te ku tala, oto talwa komunona a fa e na oomwe- dhi ntano. Eti 26.9.76 olyo a shashwa: Saka- ria Taleni Omumbisofi.

Aakuluntu yaTaleni oya landele egongalo lyaMuntele oshitenga shondilo, shuulalelo uuyapuki, shi yakulithe megongalo lyOmushiti gwaTaleni.



NATANGO ETHIMBO INALI PWAPO, TU TU-  
MINA ASHIKE ONDJUKITHI YOYE, OPO U NI-  
NGE HO TAAMBA OMUKWETU.



## EINYENGO MO SWAPO

dha za kep. 7

Ehokololo Iyaagalukili koshilongo

lilyo ya Swapo mbyoka tayi galukile kegumbo otayi eta efano li ili, kombinga yiiningwanima mbika. Aniwa Oshitayi shAagundjuka ya Swapo okuza piiningwanima yaAngola, osho kala nomalalakano oge- ndji.

Oya mono kutya aawiliki oya pungula iimaliwa yO- paati moombaanga dhokiilongo (ngaashi Switser- land). Aasolotati inaya pewa aniwa ikulya ya gwa- na, osho wo elongo ndyoka yu uvanekelwa inaye li mona. Aniwa aawiliki inaya hala pu ningwe ehogo- lolo. Ngaashi omusamane Sam Nuyoma okwa tila aniwa aantu mboka aanandumbo ye mu kuthe oshi- pundi.

Ehokololo lya gandjwa komusamane Johnny ya Otto olya kala lya pamba unene kokulandulithathana iini- ma yomehangano ndika. Omathaneko oga gandjwa wo opo ku keelelwe okwaalongitha nawa iimaliwa yOngundu, pombambo ★

(Advertiser 9/12/76)

Elalakano lyuuteologi mbuka olyo okuuvitha ko omuluudhe kutya ye omuntu u udha. O- tau kutha po ondhino yomuluudhe pamunka- nka gwOmbimbeli. Uuteologi waaluudhe ou lile po okuhiya aatiligane opo ya konakone omadhiladhilo gawo kombinga yuuteologi nuupolotika wawo paulyelele wevangeli.

Dr. Lukas de Vries mokupopya kwe moSi- mposium ndjoka ya li ya longekidhwa ko- ngundu yompilameno yaFederale Party mo- Venduka okwa tsikile ko ishewe ta ti:

"Aaluudhe yokuAfrika lyokolukadhi oya ka- la nokupikwa. Shika osha tungile momuluu- dhe opo kaa lalakanene e ete po sha kuye mwene.

Uuteologi woshiluudhe otau lalakanene okuu- vitha ko omuluudhe, kutya ye oshifetha sha- Kalunga sha gwana po.

Uuteologi waatiligane owa kanitha omwago, oshoka otau tala ombinga yimwe ayike, ema- nguluko lyopamwenyo. Owa dhimbwa kutya Jesus ota lalakanene emanguluko lyomuntu aguhe.

Waluudhe otau pangula okatongotongo osho- ka kake shi kopaMbimbeli. Okatongotongo oko etindi ndyoka tali vulu okweeta uuko- monisi, oshoka ukomonisi ou na ondumbo nuukriste.

Uuteologi waaluudhe pamwe naamboka we- manguluko lyomuntu owi ipyakidhila neopa- leko lyonkalathano."

Dr. de Vries okwa ti: Omukalo omwaanawa gwokukutha po omaupyakadhi pamukalo gwo- mbili itagu nayipalekwa owala keinenepeko lyaatiligane, ihe okaaluudhe wo mboka taya uvitha iinima ya puka, opo aniwa yi imonene esimano.



### OMUKWETU

Oye oshifo shOngeleka Onkwaevangeli paLuther yo- mOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwOmukwetu omumbisofi dr. Leonard Auala.

Amushanga gwOmukwetu omulongi Ambrosius W. Amutenja.

Ondando yOmukwetu komumvo, muAfrika R 2-00, kombanda yomafuta R 4-00.

Omambesitelo pamwe noondando naga tumwe ko- mukwetu Oniipa, P/B. 2013 Ondangwa 9270

OWAMBOKAVANGO CHURCH PRESS  
ONIIPA P/BAG 2013 ONDANGWA 9270